



Broj 10-36-9065/23
Sarajevo, 12.12.2023.

Na osnovu člana 41. Statuta Grada Sarajeva („Službene novine Kantona Sarajevo“ broj 7/23), člana 7. Odluke o formiranju Odbora za organizaciju obilježavanja 40. godišnjice Zimskih olimpijskih igara održanih 1984. godine („Službene novine Kantona Sarajevo“ broj 34/23) Okvirnog programa obilježavanja 40 godišnjice ZOI 1984 Sarajevo, gradonačelnica Grada Sarajeva, putem Gradske službe za obrazovanje, sport, kulturu i mlade raspisuje:

JAVNI POZIV
ZA SUFINANSIRANJE PROJEKATA IZ OBLASTI SPORTA POVODOM
OBILJEŽAVANJA 40. GODIŠNJICE ZOI 1984 SARAJEVO

Pravo učešća na Javnom pozivu imaju sportski savezi koje će svojim programskim aktivnostima staviti Sarajevo u centar medijske pažnje javnosti kroz promociju olimpijskog pokreta i zimskih sportova. Pravo učešća na Javnom pozivu nemaju sportski savezi koji nisu (po nekom drugom osnovu) pravdali odobrena finansijska sredstva iz Budžeta Grada Sarajeva.

Finansijska sredstva za realizaciju Javnog poziva obezbijedena su u Budžetu Grada Sarajeva za 2023. godinu u ukupnom iznosu od 100.000,00 KM.

Sportski savezi, koje se prijavljuju na Javni poziv uz popunjen prijavni obrazac dužni su da dostave potrebnu dokumentaciju:

Opći kriteriji

1. Ovjerena fotokopija rješenja o registraciji i izvadak iz registra gdje je vidljivo ko su ovlaštene osobe (ne starije od 6 mjeseci), ili neki drugi relevantan dokument kojim se dokazuje tko je ovlaštena osoba za zastupanje;
2. Ovjerena fotokopija ID broja;
3. Ovjerena fotokopija ugovora sa bankom ili potvrda iz banke o solventnosti računa i transakcijski broj;
4. Finansijska konstrukcija (prihodi i rashodi projekta) zbog kasnijeg pravdanja namjenskog utroška sredstava;
5. Izjava na memorandumu o obezbijedenosti ljudskih, materijalnih i tehničkih resursa za realizaciju planiranih aktivnosti (ne treba ovjeravati u općini).
6. Izjava na memorandumu da ranije nije bio korisnik sredstava iz Budžeta Grada Sarajeva ili potvrdu o dostavljenom finansijskom izvještaju o utrošku ranije doznačenih sredstava;
7. Detaljan opis projekta/program.

Napomena: Ukoliko prijava ne sadrži tražene informacije i dokumentaciju, onako kako je navedeno u Općim kriterijima, ista se neće razmatrati.



Posebni kriteriji

1. Program, projekat kojim se aplicira za sufinansiranje, sa jasno definisanom ciljnom grupom, vrstom planiranih aktivnosti i mjesto njihovog održavanja, očekivanim rezultatima;
2. Predviđeni broj učesnika i njihova starosna dob;
3. Kratak opis sa podacima o prethodno realizovanim projektima saveza (u posljednje dvije godine) i kvalifikaciji kadrova koji implementiraju projekat (odgovorne osobe, saradnici, volonteri);
4. **Značaj programa/projekta za Grad Sarajevo i poveznica sa obilježavanjem 40. godišnjice Zimskih olimpijskih igara 1984 u Sarajevu;**

Napomena: Svaku stavku iz posebnih kriterija potrebno je pojedinačno opisno dostaviti na zvaničnom memorandumu uz pečat i potpis ovlaštene osobe, inače dokumentacija će se smatrati nepotpunom.

Smjernice za izbor sadržaja programa:

- Promocija vrijednosti olimpijskog pokreta,
- Promocija postignutih rezultata sportista na domaćoj i međunarodnoj sceni i podrška razvoju zimskih sportova u Sarajevu,
- Motivacija djece i mladih za bavljenje zimskim sportovima u Sarajevu,
- Promocija aktivnih zimskih sportskih borilišta i rekreativnih poligona u Sarajevu i podsticanje na njihov dalji razvoj,
- Prezentacija grada kao domaćina velikim međunarodnim zimskim sportskim događajima,
- Promocija Sarajeva kao top destinacije zimskog sportskog i kulturnog turizma.

Podnošenje prijava:

Prijave na Javni poziv podnose se u roku od sedam dana od dana objavljivanja na službenoj stranici Grada Sarajeva, lično na protokol ili putem pošte na adresu: Grad Sarajevo, Gradska služba za obrazovanje, kulturu, sport i mlade, Ćemaluša broj 9, sa naznakom „**Javi poziv za sufinansiranje projekata iz oblasti sporta povodom obilježavanja 40. godišnjice ZOI 1984 Sarajevo**“.

Odabir najuspješnijih projekata izvršit će komisija koju imenuje Gradonačelnica. Komisija će nakon obrade i analize pristiglih prijava dostaviti mišljenje sa listom uspješnih projekata Gradonačelnici a koja će po dobijanju prethodnog mišljenja Predsjedavajućeg Odbora za organizaciju obilježavanja 40. godišnjice ZOI u Sarajevu, donijeti pojedinačne Odluke o odobravanju novčanih sredstva uz potpisivanje pojedinačnih ugovora.

Lista izabranih organizacija bit će objavljena na službenoj web stranici Grada Sarajeva www.sarajevo.ba. Sve dodatne informacije mogu se dobiti u u Gradskoj službi za obrazovanje, sport, kulturu i mlade na kontakt telefone +387-33-407 – 412.

GRADONAČELNICA

Prof. dr. Benjamina Karić
S.R.